



Br: 01-SC-45/17

Phoenix, AZ: 07. zu-l-hidždže 1438. god. po H.,
29. august 2017. godine

SVIM DŽEMATIMA ISLAMSKE ZAJEDNICE BOŠNJAKA U SJEVERNOJ AMERICI

Predmet: Poziv za pomoć žrtvama uragana Harvey,

Esselamu alejkum!

Uvaženi imami, poštovani predstavnici džemata, drage džematlije, braćo i sestre,

Nalazimo se u blagoslovljenim danima mjeseca zu-l-hidždžeta i u iščekivanju hadži/kurban bajrama. Ovo su dani u kojima osjećamo neizmjernu sreću i zadovoljstvo, dani u kojima su naša srca puna suosjećanja.

Allahovom dž.š. voljom, za neke od nas, bajram koji je pred nama će biti u znaku iskušenja i borbe za egzistencijalnim potrebama. Kao što vjerovatno znate, uragan Harvey je pogodio državu Texas i njegov glavni grad Houston. Uragan je ostavio mnoge ljude, a među njima i veliki broj muslimana i Bošnjaka koji žive na ovim prostorima bez osnovnih potreba za život. Domovi, radna mjesta, kancelarije, džamije, bogomolje i hramovi su poplavljeni, a ova tragedija nije zaobišla ni našu bošnjačku džamiju u Hosutonu koja je, prema posljednjim informacijama, djelimično poplavljena.

Draga braćo i sestre,

Mi Bošnjaci smo se uvijek solidarisali sa svim narodima i svim tragedijama koje su zadesile čovječanstvo; pomagali smo poplavljene u Japanu, zemljotresom pogođene u Turskoj i Nepal, sušom pogođenu Somaliju i mnoga druga mjesta. Ovaj put potrebna je pomoć u našem komšiluku u Houstonu.

Na osnovu hitne konsultacije članova UO-a ICNAB-a donesena je odluka da se iz budžeta ICNAB-a dodijele sredstva u iznosu od \$ 10,000.00 za sve one koji su pogođeni poplavama u Houstonu, te da se pozovu svi naši džemati i džematlije da se odazovu na ovaj apel. Upravni odbor je također donio odluku da se organizira sergija u svim džematima ICNAB-a u petak 1. septembra 2017. godine na džuma namazu a u svrhu pomoći ljudima pogođenim poplavama u Houstonu. Prikupljena sredstva će se prosljediti našem džematu u Houstonu koji će na osnovu prioriteta raspodijeliti prikupljenu pomoć svima kojima je potrebna.

Molimo sve imame, da ovu obavijest porčitaju na bajram namazu te da isti dan poslije džuma namaza organiziraju sergiju. Prikupljena sredstva potrebno je čim prije dostaviti ICNAB-u sa naznakom „Hurricane Harvey“ .

Molimo Allaha dž.š. da olakša svim ljudima pogođenim ovom velikom tragedijom te da im podari sabur i izdržljivost u datom iskušenju. Molimo Allaha dž.š. da nas koji nismo iskušani ovom tragedijom podstakne na solidarnost, želju da pomognemo onima kojima je potrebno i zahvalnost na blagodatima kojima nas je opskrbio.

Mahsus selam!

Dr. Sabahudin ef. Čeman
Glavni imam